

ZAPISNIK

sa **dvadesetpete** vanredne sjednice Upravnog odbora Univerziteta u Tuzli održane u **ponedjeljek 13.02.2023.** godine, sa početkom u **13,30 sati i nastavkom u petak, 17.02.2023. godine** u Sali za sjednice Rektorata Univerziteta u Tuzli

Na dvadesetpetoj vanrednoj sjednici (prvi dio) prisustvovali su predsjednik Upravnog odbora dr. sci. Semir Ahmetbegović, vanr. prof., te članovi: Omer Beširović, Suad Hasanović, Amela Dedić, dr. sci. Kenan Mandžić, red. prof, dr. sci. Franc Andrejaš, vanr.prof., dr. sci. Anita Petrović, vanr. prof. i Emina Duranović, student.

Sjednici nije prisustvovala Adela Šaldić.

Osim članova Upravnog odbora sjednici je prisustvovao, Prorektor za naučnoistraživački rad, dr. sci. Nermin Sarajlić, red. prof., kao zamjenik Rektorice Univerziteta po punomoći, zbog njene odsutnosti, te Generalni sekretar Jasmina Berbić. dipl. pravnik, te u svojstvu izvjestilaca po pojedinim tačkama dnevnog reda, mr. sc. Nedžad Ribić, Direktor za ekonomske poslove, Husin Matović, dipl. ecc. Glavni finansijski knjigovođa Alma Sarajlić, dipl. ecc. i Šef službe za pravne, kadrovske i opšte poslove Šejla Fazlić, dipl. pravnik.

Sjednici je prisustvovao i Ahmo Muhić, dipl. pravnik, sekretar Upravnog odbora.

Predsjednik Upravnog odbora je konstatovao da su ispunjeni uslovi za rad i odlučivanje na sjednici u skladu sa Poslovníkom o radu Upravnog odbora, te je otvorio dvadesetpetu vanrednu sjednicu Upravnog odbora.

Dao je na usvajanje predloženi dnevni red i predložio dopunu dnevnog reda na način da se kao tačka 4. razmotri – Upoznavanje sa zahtjevom Miniostarstva obrazovanja i nauke Tuzlanskog kantona broj:10/1-34-002580/23 od 08.02.2023. godine, te kao tačka 5. – Upoznavanje sa dopisom Miniostarstva obrazovanja i nauke Tuzlanskog kantona broj:10/1-11-002560/23 od 07.02.2023. godine. Nakon što je Upravni odbor jednoglasno usvojio prijedlog za dopunu dnevnog reda, za ovu sjednicu, takođe jednoglasno je usvojio sljedeći

DNEVNI RED:

1. Usvajanje Zapisnika sa 24. vanredne sjednice Upravnog odbora
2. Usvajanje elaborata o popisu sredstava i obaveza po izvoru sredstava Univerziteta u Tuzli sa stanjem na dan 31.12.2022. godine
 - 2.1 Usvajanje Izvještaja o popisu zaliha roba u Skriptarnici Univerziteta u Tuzli sa stanjem na dan 31.12.2022. godine
 - 2.2 Razmatranje i usvajanje Prijedloga Odluke za otpis neevidentiranih obaveza evidentiranih na kratkoročnim razgraničenjima
3. Razmatranje Prigovora [REDAKCIJA] podnesenog po punomoćniku Selmi Razić, advokatu iz Tuzle, protiv Odluke Rektorice Univerziteta broj:01-494-1/23 od 25.01.2023. godine
4. Upoznavanje sa zahtjevom Miniostarstva obrazovanja i nauke Tuzlanskog kantona broj:10/1-34-002580/23 od 08.02.2023. godine
5. Upoznavanje sa dopisom Miniostarstva obrazovanja i nauke Tuzlanskog kantona broj:10/1-11-002560/23 od 07.02.2023. godine.

Rad na sjednici:

TAČKA 1.

Usvajanje Zapisnika sa 24. vanredne sjednice Upravnog odbora

Izvjestilac po ovoj tački dnevnog reda, bio je Sekretar Upravnog odbora Ahmo Muhić, dipl. pravnik. Upoznao je članove Upravnog odbora sa pregledom odluka i zaključaka sa 24. Vanredne sjednice nakon čega je Upravni odbor jednoglasno, bez primjedbi usvojio Zapisnik sa 24. vanredne sjednice Upravnog odbora.

TAČKA 2.

Usvajanje elaborata o popisu sredstava i obaveza po izvoru sredstava Univerziteta u Tuzli sa stanjem na dan 31.12.2022. godine

2.1 Usvajanje Izvještaja o popisu zaliha roba u Skriptarnici Univerziteta u Tuzli sa stanjem na dan 31.12.2022. godine

2.2 Razmatranje i usvajanje Prijedloga Odluke za otpis neevidentiranih obaveza evidentiranih na kratkoročnim razgraničenjima

Elaborat o popisu sredstava i obaveza po izvoru sredstava Univerziteta u Tuzli sa stanjem na dan 31.12.2022. godine, prezentirao je mr. sc. Nedžad Ribić, Predsjednik Centralne komisije za popis sredstava i obaveza po izvoru sredstava Univerziteta u Tuzli.

Naglasio je da je u konsultaciji sa Trezorom TK učinjeno određeno usaglašavanje, te da je djelimično korigovani Elaborat dostavljen Upravnom odboru kao elektronski materijal.

Razloge za korekcije je dodatno obrazložila Glavni finansijski knjigovođa Alma Sarajlić, dipl. ecc.

U toku rasprave članovi Upravnog odbora su tražili objašnjenja u vezi prijedloga za isknjiženja iznosa potraživanja zbog zastare u isnosu od 159.578,30 KM. Obrazloženje je dao Direktor za ekonomske poslove Husein Matović, dipl. ecc. U toku sjednice iz evidencije je izuzet spisak ugovora po kojima je predmetna obaveza Univerziteta nastala. Istaknuto je da se radi o pregledu Ugovora sa spoljnim saradnicima o izvođenju nastave koji nisu potpisani niti plaćeni a spoljni saradnici nisu podnijeli tužbu. Konstatovano je da je za to potraživanje nastupila apsolutna zastara.

Nakon provedene rasprave, uz jedan glas „suzdržan“, većinom glasova od ukupnog broja članova, Upravni odbor je donio

ODLUKU

I

Usvaja se u predloženom tekstu Elaborat o popisu sredstava i obaveza po izvoru sredstava Univerziteta u Tuzli sa stanjem na dan 31.12.2022. godine.

II

Rashoduju se sljedeća stalna sredstva ukupne nabavne vrijednosti 451.081,13 KM, ukupne ispravke vrijednosti 450.554,12 KM i ukupne sadašnje vrijednosti 527,01 KM razvrstan po kontima kako slijedi:

Redni broj	Konto – ekonomski kod	Naziv opreme	Nabavna vrijednost	Ispravka vrijednosti	Sadašnja vrijednost
1	011311	Namještaj	45.957,38	45.957,38	0,00
2	011312	Kompjuterska oprema	208.256,10	208.256,10	0,00
3	011313	Oprema za prenos podataka	11.374,04	11.373,66	0,38
4	011319	Ostale uredske mašine	14.533,73	14.533,73	0,00
5	011332	Opremanje i namještanje učionica	11.679,76	11.679,76	0,00
6	011341	Elektronska oprema	34.008,28	34.008,28	0,00
7	011351	Laboratorijska oprema	10.484,16	10.484,16	0,00
8	011352	Medicinska i stomatološka	5.629,00	5.629,00	0,00
9	011361	Strojevi, uređaji, alati	3.385,23	3.385,23	0,00
10	011371	Ugrađena oprema	11.970,15	11.970,15	0,00
11	011372	Inventar	2.973,96	2.973,96	0,00
12	011391	Ugostiteljska oprema	19.577,65	19.577,65	0,00
13	011512	Licence oko kori. Zemljišta, patenata	39.371,76	39.371,76	0,00
14	011513	Softveri i licence	30.699,93	30.173,30	526,63
15	011521	Studije izvodljivosti, projektne pripreme i projektovanje	1.180,00	1.180,00	0,00
		Ukupno	451.081,13	450.554,12	527,01

Stalna sredstva čija sadašnja vrijednost iznosi 527,01 KM, rashoduju se na teret izvora sredstava konto 511111.

III

Rashoduje se sitan inventar u iznosu 14.014,67 KM koji se vodi na kontu 221211, autogume u upotrebi u iznosu od 791,80 KM koji se vodi na kontu 221221 i odjeća i obuća u iznosu od 1.550,72 KM koja se vodi na kontu 221231.

IV

Za realizaciju ove Odluke zadužuje se Služba za ekonomske poslove Univerziteta.

V

Ova Odluka stupa na snagu danom donošenja.

U okviru podtačke 2.1. nakon što se upoznao sa prijedlogom iste, Upravni odbor je jednoglasno donio

ODLUKU

I

Usvaja se u predloženom tekstu Izvještaj o popisu zaliha roba u Skriptarnici Univerziteta u Tuzli sa stanjem na dan 31.12.2022. godine.

II

Rashoduje se oštećeni upisni materijal u Skriptarnici u vrijednosti od 18,50 KM.

III

Za realizaciju ove Odluke zadužuje se Služba za ekonomske poslove Univerziteta.

IV

Ova Odluka stupa na snagu danom donošenja.

U okviru podtačke 2.2. nakon što se upoznao sa prijedlogom iste, Upravni odbor je jednoglasno donio

ODLUKU

I

Usvaja se u predloženom tekstu Otpis neevidentiranih obaveza evidentiranih na kratkoročnim razgraničenjima u iznosu od 159.578,03 KM, čime će se umanjiti konto 191219 – unaprijed obračunati rashodi i 311211 – obaveze prema dobavljačima i fizičkim licima sa stanjem na dan 31.12.2022. godine.

II

Za realizaciju ove Odluke zadužuje se Služba za ekonomske poslove Univerziteta.

III

Ova Odluka stupa na snagu danom donošenja.

TAČKA 3.

Razmatranje Prigovora [REDAKCIJA] podnesenog po punomoćniku Selmi Razić, advokatu iz Tuzle, protiv Odluke Rektorice Univerziteta broj:01-494-1/23 od 25.01.2023. godine

Izvjestilac po ovoj tački dnevnog reda je bila šef Službe za pravne kadrovske i opšte poslove Šejla Fazlić, dipl. pravnik. Upoznala je članove Upravnog odbora sa obrazloženjem Odluke Rektorice koja se prigovorom pobija, te konstatovala da je Rektorica u svemu postupila po uputama Upravnog odbora datim u ranijoj Odluci u istom predmetu, a koji se odnose na dostavljanje drugostepene Odluke Senata podnosiocu prigovora sa preciziranjem datuma uručenja drugostepene Odluke Senata. Obrazložila je navode iz Prigovora podnositelja i istakla da su navodi o nedostatku podatka o isteku izbornog perioda izabrane kandidatkinje irelevantni jer je navedeno da će se ugovor zaključiti po konačnosti odluke do isteka izbornog perioda i u svakom slučaju neće biti zaključen duže od 18. februara kada izabranoj kandidatkinji ističe izborni period.

Nadalje je obrazložila da se ostali dio prigovora odnosi na odluke Senata, koji se odnose na izračun bodova, dodjeljivanje bodova. U tom dijelu smatra da Upravni odbor treba zaključiti i konstatovati da nije nadležan, a u odnosu na žalbene navode koji se odnose na Odluku Rektorice o prijemu u radni odnos, predložila je da se prigovor odbije kao neosnovan.

U toku rasprave Prorektor za naučno-istraživački rad, prof. dr. sci. Nermin Sarajlić je obavijestio članove Upravnog odbora da će se danas 13.02.2023. godine u 16,30 sati izvršiti deratizacija, dezinfekcija i dezinsekcija u prostorijama Rektorata Univerziteta u Tuzli, te da je obaviješten kako je ista već započela.

Iz tih razloga, a na osnovu člana 22. stav 1. Poslovnika o radu Upravnog odbora, Predsjednik Upravnog odbora je prekinuo sjednicu i obavijestio prisutne članove Upravnog odbora da će se prekinuta sjednica nastaviti u petak, 17.02.2023. godine u 14,00 sati.

Sjednica je prekinuta u 16 sati i 33 minute.

Nastavku prekinute 25 vanredne sjednice 17.02.2023. godine u 14,00 sati prisustvovali su predsjednik Upravnog odbora dr. sci. Semir Ahmetbegović, vanr. prof., te članovi: Omer Beširović, Suad Hasanović, Amela Dedić, dr. sci. Anita Petrović, vanr.prof. dr.sci. Franc Andrejaš vanr.prof i Emina Duranović, student.

Nastavku sjednice nisu prisustvovali: dr.sci. Kenan Mandžić, red. prof. i Adela Šaldić, član.

Osim članova Upravnog odbora sjednici je prisustvovao, Prorektor za naučnoistraživački rad, dr. sci. Nermin Sarajlić, red. prof., kao zamjenik Rektorice Univerziteta po punomoći, zbog njene odsutnosti i Generalni sekretar Jasmina Berbić. dipl. pravnik, te u svojstvu izvjestica Šef službe za pravne, kadrovske i opšte poslove Šejla Fazlić, dipl. pravnik.

Sjednici je prisustvovao i Ahmo Muhić, dipl. pravnik, sekretar Upravnog odbora.

Nakon što je konstatovao da su ispunjeni uslovi za rad i odlučivanje, predsjednik Upravnog odbora je otvorio nastavak prekinute sjednice. Informisao je članove Upravnog odbora da je Upravni odbor na prvom dijelu sjednice raspravljao tačku 3. dnevnog reda, te da je ista prekinuta u toku rasprave. Predsjednik je otvorio dodatnu raspravu po ovoj tački dnevnog reda. Na poziv Predsjednika Sekretar Upravnog odbora Ahmo Muhić, dipl. pravnik je istakao svoje mišljenje o navodima iz prigovora i konstatovao da bi Upravni odbor prigovor trebao odbiti kao neosnovan i u obrazloženju konstatovati da o žalbenim navodima u odnosu na odluke Senata nije nadležan po Zakonu o visokom obrazovanju i Statutu Univerziteta.

Nakon obavljene rasprave Upravni odbor je jednoglasno donio sljedeću

ODLUKU

Prigovor [REDAKCIJA] podnesen po punomoćniku Razić Selmi, advokatu iz Tuzle na Odluku Rektora Univerziteta u Tuzli o prijemu [REDAKCIJA] asistenta u radni odnos broj: 01-494-1/23 od 25.01.2023. godine, odbija se kao neosnovan.

Obrazloženje

Odlukom Rektorice Univerziteta u Tuzli broj:01-494-1/23 od 25.01.2023. godine radni odnos na radno mjesto saradnika u zvanju asistenta za užu naučnu oblast „Elektroenergetske mreže i sistemi“ na Fakultetu elektrotehnike Univerziteta u Tuzli po Konkursu objavljenom u dnevnom listu "Dnevni avaz" i web stranici Univerziteta u Tuzli od 25.08.2022. godine, primljena je [REDACTED] asistent.

Takođe, Odlukom je utvrđeno da će se po konačnosti iste sa imenovanom zaključiti ugovor o radu na određeno vrijeme do isteka izbornog perioda imenovane u zvanju asistenta.

Protiv ove Odluke, blagovremeno, dana 03.02.2023. godine, po punomoćniku, prigovor je podnio učesnik konkursa [REDACTED]. U prigovoru navodi da Odluku pobija zbog povrede odredaba postupka, nepravilno i nepotpuno utvrđenog činjeničnog stanja, te povrede materijalnog prava, s prijedlogom da Upravni odbor prigovor usvoji i odluku stavi van snage, te upotpuni postupak, sam otkloni nezakonitosti i nedostatke ili preko Senata Univerziteta u Tuzli, ili da predmet vrati Senatu Univerziteta na ponovni postupak nalažući mu da pravilno primijeni materijalne propise, posebno da odluči o svim žalbenim navodima na koje je Zahtjevom za preispitivanje odluke podnositelj ukazivao. U obrazloženju Prigovora navodi da se prijavio na Konkurs objavljen u dnevnom listu "Dnevni avaz" i web stranici Univerziteta u Tuzli od 25.08.2022. godine za izbor u saradničko zvanje asistent sa zasnivanjem radnog odnosa sa punim radnim vremenom za užu naučnu oblast „Elektroenergetske mreže i sistemi“ na Fakultetu elektrotehnike. Na konkurs su se prijavila dva kandidata, te je konstatovano da oba kandidata ispunjavaju uslove konkursa.

Na prijedlog Naučno-nastavnog vijeća Fakulteta elektrotehnike broj:02/4-6140.1.4/22 od 04.11.2022. godine, a prema Izvještaju Komisije za pripremanje prijedloga za izbor Senat je donio Odluku broj: 03-6342-1-4.7/22 od 18.11.2022. godine. Nezadovoljan Odlukom Senata Univerziteta, blagovremeno putem punomoćnika, u skladu s poukom o pravnom lijeku, uložio je Zahtjev za njeno preispitivanje koji je Odlukom broj: 03-7217-1-8/22 od 29.12.2022. godine odbijen kao neosnovan.

Rektorica Univerziteta u Tuzli je, nakon donošenja odluke kojom se odbija zahtjev za preispitivanje odluke Senata donijela Odluku broj: 01-52-1/23 od 05.01.2023. godine kojom je na radno mjesto asistent za užu naučnu oblast „Elektroenergetske mreže i sistemi“ na Fakultetu elektrotehnike primila [REDACTED] do isteka izbornog perioda.

Protiv te odluke podnio je prigovor koji je djelimično usvojen Odlukom Upravnog odbora broj: 04-285-1-1/23 od 18.01.2023. godine kojom je Upravni odbor dao upute Rektoriciu smislu otklanjanja nedostataka.Rektorica je donijela Odluku broj: 01-494-1/23 od 25.01.2023. godine za koju punomoćnik podnositelja smatra da je neodrživa.

Odlukom čije poništenje traži, Rektorica u obrazloženju navodi da je Odlukom Upravnog odbora Univerziteta u Tuzli broj: 04-285-1-1/23 od 18.01.2023. godine, da je u ponovljenom postupku utvrđeno da su se na naprijed navedeni konkurs prijavila dva kandidata, da je Senat konstatovao da je po prijedlogu Naučno-nastavnog vijeća Fakulteta elektrotehnike izabrana kandidatkinja ostvarila veći broj bodova u odnosu na podnositelja prigovora, te da je predloženo da se sa istom zasnue radni odnos u saradničko zvanje za koje ista već ima izbor do isteka izbornog perioda. U osporavanoj odluci nije naveden datum kada izabranoj kandidatkinji ističe izborni period što otvara dodatnu sumnju obzirom da se niti u odluci Senata ne navodi ovaj podatak.Zbog navedenog smatra da je odluka manjkava u tački II, jer ostalim učesnicima konkursa nije decidno navedeno od kada ni do kadaće izabranoj kandidatkinji biti uspostavljen radno-pravni status po osporavanoj odluci.Smatra da ovim namjernim ne označavanjem datuma isteka izbornog perioda se zapravo manipuliše cijelom konkursnom procedurom, a licima koja odlučuju po ovom prigovoru tipodaci nisu dostupni, osim na zahtjev.

Dalje, smatra da je Upravni odbor u skladu sa svojim ovlaštenjima u obavezi da vodi računa o svim formalnim nedostacima, odnosno da li su sve formalne pretpostavke ispunjene da bi određeno lice moglo zasnovati radni odnos.

U Prigovoru nadalje ističe navode iz Zahtjeva za preispitivanje Odluke Senata Univerziteta broj: 03-6342-1-4.7/22 od 18.11.2022. godine u pogledu vrjednovanja prijava kandidata po predmetnom Konkursu.

Prilaže sve odluke koje je u ovom predmetu donio Senat, Rektorica i Upravni odbor kao i zahtjeve i prigovore koje podnio radi preispitivanja istih.

Prigovor podnosioca je neosnovan iz sljedećih razloga:

Upravni odbor je preispitao pobijanu Odluku Rektorice i utvrdio da je Rektorica u cjelosti postupila po uputama Upravnog odbora datim u Odluci Upravnog odbora broj: broj: 04-285-1-1/23 od 18.01.2023. godine, otklonila nedostatke koji se odnose na pribavljanje dokaza, da je drugostepena Odluka Senata Univerziteta uručena podnosiocu po čijem je Zahtjevu i donesena, čime je prvostepena Odluka Senata postala izvršna.

Ostale navode i prijedloge punomoćnika podnosioca prigovora koji se odnose na žalbeni razlog povrede materijalnog prava, Upravni Odbor nije razmatrao jer upućuju na činjenice i dokaze koji se odnose na prvostepenu i drugostepenu Odluku Senata Univerziteta za čije preispitivanje Upravni odbor nije nadležan u smislu člana 51. Zakona o visokom obrazovanju i člana 50. Statuta Univerziteta u Tuzli.

TAČKA 4.

Upoznavanje sa zahtjevom Miniostarstva obrazovanja i nauke Tuzlanskog kantona broj:10/1-34-002580/23 od 08.02.2023. godine

Predsjednik Upravnog odbora je informisao članove Upravnog odbora sa dopisom Ministarstva obrazovanja i nauke broj:10/1-34-002580/23 od 08.02.2023. godine kojim se traži dostavljanje odgovora o pitanju da je Univerzitet u Tuzli trenutno rangiran kao peti Univerzitet u Bosni i Hercegovini.

Na prijedlog Predsjednika, Upravni odbor je jednoglasno usvojio Zaključak kojim je ovlastio Predsjednika prof. dr. sc. Semira Ahmetbegovića i Suada Hasanovića, člana Upravnog odbora da pripreme nacrt Odgovora Ministarstvu po predmetnom dopisu koji bi Upravni odbor razmatrao na prvoj narednoj redovnoj sjednici. Imenovani su na zapisnik obaviješteni o sadržaju Zapisnika i obavezi postupanja po istom.

TAČKA 5.

Upoznavanje sa dopisom Miniostarstva obrazovanja i nauke Tuzlanskog kantona broj:10/1-11-002560/23 od 07.02.2023. godine

Predsjednik Upravnog odbora je informisao članove Upravnog odbora sa dopisom Ministarstva obrazovanja i nauke broj:10/1-34-002580/23 od 08.02.2023. godine.

Takođe, informisao je članove Upravnog odbora sa Informacijom Rektorice po istom dopisu Ministarstva, broj: 01-194-2/23 od 15.02.2023. godine, koja je dostavljena i Upravnom odboru neposredno prije sjednice.

Jednoglasno je usvojeno da se razmatranje predmetnog dopisa Ministarstva odlaže za prvu narednu redovnu sjednicu. Predsjednik je uputio da Sekretar Upravnog odbora po završetku ove sjednice dostavi Informaciju Rektorice svim članovima Upravnog odbora elektronskim putem.

Nakon što su pitanja po tačkama dnevnog reda iscrpljena, predsjednik Upravnog odbora je zaključio sjednicu u 16 sati i 45 minuta.

ZAPISNIK SAČINIO

Ahmo Muhić, dipl.pravnik

UNIVERZITET U TUZLI

Broj: 04-840-1/23

Tuzla, 17.02.2023.godine

PREDSJEDNIK
UPRAVNOG ODBORA

dr. sc. Semir Ahmetbegović, vanr.prof.